

少

極



圖

道藏輯要

心傳述證錄
少極圖

九

鬼集七

無極子曰少極者一奇立于其中二偶分于左右陽氣屈曲于其下積氣尚微生機尚伏故謂之少也但陽既動而輕清者上浮陰既靜而重濁者下沉則天氣升而生化地氣降而化生由是一元真炁充塞兩間生生不窮化源具備已如陽始生為水水尚柔弱必至生木而氣始強盛陰始生為火火尚微渺必至煉金而力始堅固故水為陽之穉木為陽之盛火為陰之穉金為陰之盛也老陽老陰不能復生必得少陽少陰而後能成生育之功少極繼生生于太極之後者豈非為三才之朕乎